

**საქართველოს პარლამენტის განათლებისა და მეცნიერების კომიტეტის თავმჯდომარის
მოადგილის, ზაია კვიციანი ანგარიში, დანიისა და შვედეთის სამეფოებში ვიზიტის
თაობაზე**

19-24 ნოემბერი

მიმდინარე წლის **19-21 ნოემბერს**, სამუშაო შეხვედრების გაიმართა დანიის სამეფოს დედაქალაქ კოპენჰაგენში, კერძოდ:

- დანიის ბავშვთა და განათლების სამინისტროს წარმომადგენლებთან;
- კოპენჰაგენის მუნიციპალიტეტის ბავშვთა და ახალგაზრდობის ადმინისტრაციის წარმომადგენლებთან;
- დანიის პარლამენტის ბავშვთა და განათლების კომიტეტის სპიკერ, ალექს არენდსენსთან.

ვიზიტის მიზანი იყო ორ ქვეყანას შორის ურთიერთობების გამტკიცება, განათლებისა და მეცნიერების მიმართულებით.

ზემოაღნიშნული შეხვედრებისას, განხილულ იქნა დანიასა და საქართველოს შორის თანამშრომლობის სამომავლო შესაძლებლობები, განსაკუთრებით ზოგადი განათლების საფეხურზე.

ამასთანავე, გამართული შეხვედრებისას, საქართველოს მხარე გაეცნო დანიაში არსებულ პრაქტიკას, ინკლუზიური განათლებისა და მოსწავლეთა სოციო-ემოციური მხარდაჭერის სერვისების შესწავლისა და საქართველოში დანერგვის მიმართულებით.

მხარეებმა ერთმანეთს გაუზიარეს კონკრეტული ხედვები, სამომავლო პარტნიორობის თაობაზე.

აღსანიშნავია, რომ პარლამენტის განათლებისა და მეცნიერების კომიტეტის თავმჯდომარის მოადგილე კოპენჰაგენში, სპეციალური საგანმანათლებლო საჭიროების მქონე მოსწავლეებისთვის განკუთვნილ სკოლას ესტუმრა და იქ არსებულ სერვისებს გაეცნო.

22-24 ნოემბერს, სამუშაო შეხვედრები გაიმართა შვედეთის სამეფოს დედაქალაქ სტოკჰოლმში, კერძოდ:

- შვედეთის პარლამენტის განათლების კომიტეტის თავმჯდომარე, ფრედრიკ მალმთან;
- შვედეთის პარლამენტის საქართველოს პარლამენტთან მეგობრობის ჯგუფის ხელმძღვანელ, გუდრუნ ბრუნეგარდთან და ჯგუფის წევრებთან, სუზენ ნორდსტრომსა და ჰანა განარსანთან;
- შვედეთის განათლებისა და კვლევების მინისტრ, მატს ფემონთან
- შვედეთის განათლების სააგენტოს წარმომადგენლებთან.

შეხვედრაზე მხარეებმა ერთმანეთს გაუზიარეს ორ ქვეყანაში არსებული პრაქტიკა და პრიორიტეტული მიმართულებები.

ამასთანავე, შეხვედრების ფარგლებში, მხარეებმა ერთმანეთს დაუდასტურეს ორ ქვეყანას შორის არსებული მჭიდრო ურთიერთობები და სამომავლო თანამშრომლობის შესაძლებლობები.

მეგობრობის ჯგუფთან შეხვედრაზე, განიხილეს მომავალ წელს შვედეთის პარლამენტის ჯგუფის საქართველოში ვიზიტის საკითხი.

ვიზიტის ფარგლებში, შეფასდა თანამშრომლობის სამომავლო შესაძლებლობები.